



O ljudi! Širite selam, dijelite hranu sirotinji, pomažite i pazite rodbinu i Allahu se molite kad svijet spava - pa ćete ući u Džennet, sigurni i spašeni

Abdullah ibn Selam, radijallahu anhu, je rekao: "Kada je Allahov Poslanik, sallallahu alejhi ve sellem, došao u Medinu, ljudi su se okupili. Neko je tri puta uzviknuo: 'Allahov Poslanik je došao!' Došao sam i ja da vidim. Kada sam mu vidio lice, bio sam siguran da to nije lice lažova. Prva stvar koju sam čuo da je rekao bilo je: "O ljudi! Širite selam, dijelite hranu sirotinji, pomažite i pazite rodbinu i Allahu se molite kad svijet spava - pa ćete ući u Džennet, sigurni i spašeni."

[Vjerodostojan]

Kada je Allahov Poslanik, sallallahu alejhi ve sellem, došao u Medinu, ljudi su žurno krenuli ka njemu. Jedan od njih bio je Abdullah ibn Selam, radijallahu anhu, koji tada bijaše jevrejski rabin. Kada ga je ugledao, bio je siguran da to ne može biti lice lažova budući da se na licu Allahovog Poslanika mogla primijetiti svjetlost, ljepota i iskrenost. Prva stvar koju je čuo od Allahovog Poslanika, sallallahu alejhi ve sellem, jeste podsticaj da ljudi rade djela koja će biti uzrokom ulaska u Džennet. Naime, spomenuo je: 1. Javno isticanje i nazivanje selama onome koga znaš i onome koga ne znaš. 2. Davanje hrane, sadake, poklona i ugošćavanje. 3. Održavanje rodbinskih veza i sa očeve i majčine strane. 4. Noćni namaz dok ljudi spavaju.

<https://sunnah.global/hadeeth/bs/show/5520>

